

关中书院课艺志学斋日记附

一
函十册

讀歷代史地理志日記目錄

附

薛秉辰

漢書地理志陝西州縣沿革考

後漢書郡國志陝西州縣沿革考

晉書地理志陝西州縣沿革考

魏書地形志陝西州縣沿革考

隋書地理志陝西州縣沿革考

唐書地理志陝西州縣沿革考

五代史職方考陝西州縣沿革考

宋史地理志陝西州縣沿革考

金史地理志陝西州縣沿革考

元史地理志陝西州縣沿革考

明史地理志陝西州縣沿革考

前漢書京兆尹左馮翊右扶風三郡及宏農郡漢中郡武都郡北
地郡上郡西河郡朔方郡廣漢郡各縣沿革考 薛秉辰

秦并六國分天下以爲三十六郡禹貢職方之舊無復存矣以雍
州言之北地九原隴西及雲中之西南境皆雍州地也其內史上
郡及梁州界之漢中郡則今陝西地也楚漢之際董章司馬分王
關中歷年無多略存其名而已嘗謂後世疆域務爲夸大僑置紛
紜循名失實歷城以爲南冀歷陽以爲南豫濟河惟兗州而南兗
則廣陵矣黑水西河惟雍州而南雍則襄陽矣河南有廣陵丹陽
之名矣江渚有晉陽太原之號矣分合出入離析磔裂鉤稽良非

周易揆之古昔以山川定疆界者其可以同年而語與桐城姚鼐以世之方志言古城邑若不考求四面地形遠近堪容置否故所舉多不實而廬江九江二郡爲己鄉里所近作漢廬江九江二郡沿革考以漢縣與今地相較爲表而貫他沿革於中頗爲翔實有益學者

辰

桑梓關中茲邦之建置遷移其可以不講求茲取前漢書京兆尹左馮翊右扶風三郡及宏農郡漢中郡武都郡北地郡上郡西河郡朔方郡廣漢郡各縣與今陝西各州縣相較爲表仿姚氏例也顧姚氏以漢郡爲主故於安徽州縣未能徧及而廬江九江二郡不能不及湖廣各縣茲以今州縣爲主故於各郡屬縣

之在他省者無及焉於姚爲稍異耳其未貫他沿革於中者擬於東漢以後列朝各爲一表故亦不能無殊於姚氏也作陝西州縣前漢書地理志沿革考

長安

蓋得今長安縣西地
本秦杜縣之長安鄉漢初

以封盧綰高帝五年置長安縣七年自櫟陽徙都於此惠帝元年始築城

長安縣

蓋得漢長安縣奉明縣地

甯陝廳

雍正中析長安縣西南地增

奉明

蓋得今長安縣東地
宣帝元康元年置奉明縣

杜陵

蓋得今咸甯縣西南地
秦武公十一年初置杜縣

漢宣帝元康元年更縣曰杜陵縣時亦謂之下杜對陵而

咸甯縣

蓋得漢杜陵縣霸陵縣南陵縣地

孝義廳

雍正中析咸甯東南地增

言也

霸陵

蓋得今咸甯縣東北地

秦襄王葬芷陽謂之霸上

漢文帝起陵邑於此因更名霸陵

南陵

蓋得今咸甯縣東南地

漢文帝七年置南陵城薄

太后葬焉在霸陵南十里因曰南陵

新豐

蓋得今臨潼縣東南渭南縣西南地

臨潼縣

蓋得漢櫟陽縣萬年縣及新豐縣西地

秦曰驪邑高祖七年以太上皇思東歸置此以象豐邑兼徙豐人及枌榆舊址於此故曰新豐

右六縣屬京兆尹

櫟陽

蓋得今臨潼縣西南地
本晉櫟邑秦獻公自雍徙

都櫟陽因城之項羽封司馬
欣都此漢高祖初都此二年
令太子守櫟陽諸侯子在關
中者皆集櫟陽爲衛

萬年

蓋得今臨潼縣東北地
漢高祖葬太上皇於櫟陽

城北原謂之萬年陵因分置
萬年縣於城中爲陵邑陵在
櫟陽北二十五里
右二縣屬左馮翊

渭城

蓋得今咸陽縣東北地
故咸陽漢高帝元年更名

新城七年罷屬長安武帝元
鼎三年置渭城縣
右縣屬右扶風

咸陽縣

蓋得漢渭城縣長陵縣
安陵縣及平陵縣東地

長陵

蓋得今咸陽縣東地
漢高帝陵亦曰長山呂后

六年置陵邑

右縣屬左馮翊

安陵

蓋得今咸陽縣東南地
本周之程邑漢惠帝葬此

置安陵縣

平陵

蓋得今咸陽縣西北興平
縣東北地

漢昭帝葬此置平陵縣三輔
黃圖云平陵去茂陵十里

右二縣屬右扶風

雲陽

蓋得今涇陽縣西北地淳
化縣東南地

本秦縣始皇二十五年使蒙
恬通直道自九原至雲陽漢

涇陽縣

蓋得漢雲陽縣東南地
池陽縣西南地

亦爲雲陽縣

池陽

蓋得今三原縣及涇陽縣東北地

本秦涇陽縣地漢惠帝改置池陽縣周繆還定三秦賜食

邑池陽卽此

右二縣屬左馮翊

槐里

蓋得今興平縣南地周曰犬邱懿王都之秦更

名廢邱項羽封章邯都此漢高帝三年置槐里縣

茂陵

蓋得今興平縣西北地本槐里之茂鄉漢武帝建

元二年析置陵邑右二縣屬右扶風

藍田

蓋得今藍田縣地本秦縣玉之次美者曰藍

三原縣

蓋得漢池陽縣東北地

興平縣

蓋得漢槐里縣茂陵縣及平陵縣西地

藍田縣

蓋得漢藍田縣地

縣之山出玉因名漢亦爲藍田縣

右縣屬京兆尹

高陵

蓋得今高陵縣東地
本秦縣漢亦爲高陵縣

陽陵

蓋得今高陵縣西地
本秦弋陽縣地漢景帝五

年營陵邑改陽陵縣

右二縣屬左馮翊

鄠

蓋得今鄠縣地
古有扈國秦改爲鄠漢縣治

此

盩厔

蓋得今盩厔縣地
漢武帝置山曲曰盩水曲

曰厓故以名縣
右二縣屬右扶風

高陵縣

蓋得漢高陵縣陽陵縣地

鄠縣

蓋得漢鄠縣地

盩厔縣

蓋得漢盩厔縣地

蓮勺

蓋得今渭南縣東地

蓮勺如渰曰音輦酌漢宣

帝微時常困於蓮勺鹵中卽此鹵中者蓮勺城南有鹹池縱廣十餘里也亦曰鹵池或曰在今蒲城縣界

右縣屬左馮翊

下邳

蓋得今渭南縣西地

秦武公伐邾戎取其人置

縣因隴西有上邳故此爲下

漢亦爲下邳縣

右縣屬京兆尹

頻陽

蓋得今富平縣地

本秦縣始皇紀王剪謝病

歸頻陽卽此漢亦爲頻陽縣

渭南縣

蓋得漢蓮勺縣下邳縣及新豐縣東北地

富平縣

蓋得漢頻陽縣地

谷口

蓋得今醴泉縣地

谷口縣漢置當九變山東仲山之西涇水出山之處故曰谷口

祿祠

蓋得今耀州同官縣宜君縣地

漢景帝二年置祿祠縣祿祠者兵禱之名也

右三縣屬左馮翊

臨晉

蓋得今大荔縣朝邑縣西地

本大荔國或曰本晉邑秦取其地築高壘以臨晉國因名漢王初定三秦自臨晉渡河而東後復置縣

襄德

蓋得今朝邑縣東地本秦邑漢王還定三秦賜

醴泉縣

蓋得漢谷口縣地

耀州

蓋得漢祿祠縣西南地

同官縣

蓋得漢祿祠縣東南地

以上西安府屬

大荔縣

蓋得漢臨晉縣西地

朝邑縣

蓋得漢襄德縣及臨晉縣東地

周勃食邑襄德是也尋置縣

郃陽

蓋得今郃陽縣地
古華國洽水名也其後流

絕去水加邑漢七年代王喜
棄國自歸赦爲郃陽侯後復

置郃陽縣

徵

蓋得今澄城縣地
本晉北徵邑秦曰北澄漢景

帝置徵縣

夏陽

蓋得今韓城縣地
古韓國晉爲少梁邑秦更

名夏陽漢景帝置夏陽縣
右五縣屬左馮翊

鄭

蓋得今華州西北地
本鄭桓公封邑秦武公十一

郃陽縣

蓋得漢郃陽縣地

澄城縣

蓋得漢徵縣地

韓城縣

蓋得漢夏陽縣地

華州

蓋得漢鄭縣武城縣沆陽
縣地

年置鄭縣漢亦爲鄭縣
右縣屬京兆尹

武城

蓋得今華州東北地
本晉邑左傳文八年秦伐
晉取武城是也漢置武城縣

沈陽

蓋得今華州東南地
沈亦作沆漢置縣舊在沆

水北因名
右二縣屬左馮翊

華陰

蓋得今華陰縣西南地
春秋時故城初屬晉後屬

魏秦惠文王五年魏納陰晉
於秦更名曰甯秦漢置華陰
縣

船司空

蓋得今華陰縣東北及
潼關廳地

華陰縣

蓋得漢華陰縣地及船
司空西南地

潼關廳

蓋得漢船司空東地

漢置縣本主船之官也水經注河歷船司空與渭水合卽

春秋時之渭汭

右二縣屬京兆尹

重泉

蓋得今蒲城縣地秦簡公塹洛城重泉卽此

漢置重泉縣

粟邑

蓋得今白水縣西地漢景帝置粟邑

衙

蓋得今白水縣東地本春秋彭衙地彭戲戎號也

漢景帝置衙縣

右三縣屬左馮翊

雍

蓋得今鳳翔縣西南地本召穆公采邑秦置雍縣漢

初曹參攻雍卽此漢亦爲雍縣

蒲城縣

蓋得漢重泉縣地

白水縣

蓋得漢粟邑衙縣地

以上同州府屬

鳳翔縣

蓋得漢雍縣及號縣東北杜陽縣西南地

虢

蓋得今鳳翔縣南寶雞縣東北地

本虢仲采邑支子所封漢置虢縣

杜陽

蓋得今鳳翔縣東北麟遊縣東南地

縣之詩自土沮漆齊詩作自杜言公劉自狄來居杜與漆沮之地漢因置杜陽縣

美陽

蓋得今扶風縣岐山縣地本秦孝公置漢亦爲美陽縣

縣

郿

蓋得今郿縣北地秦孝公置漢郿縣治此

武功

蓋得今郿縣南地秦孝公置漢武功縣治此

扶風縣

蓋得漢美陽縣東地

岐山縣

蓋得漢美陽縣西地

郿縣

蓋得漢郿縣武功縣地